

Inatsisartut Suleriaasissaannut siunnersuut

Akissuteqaat

(Inatsisartut Siulittaasuat)

Aappassaaneerinnineq

Suleriaatsimut Ataatsimiititaliaq Inatsisartut suleriaasissaannut nutaamut siunnersuummik akuersortumik suliaqarsimaneranut Inatsisartut Siulittaasoqarfiata qujassuteqarfigerusuppaa.

Ataatsimiititaliap isumaliutissiissutaanik misissuataarinermi ataatsimiititaliap oqaatigisai Siulittaasoqarfiup isumaqatigai, taamaalillunilu ilaatigut akunnermi apeqquteqarfissami apeqquteqarnissamut akissuteqarnissamullu piffissarititaasoq sivitsorneqarsinnaassalluni, akunneq apeqquteqarfissaq sivilunerusumik akulikinnerusumillu ingerlanneqarsinnaassalluni.

Aammattaaq Naalakkersuisunut ilaasortamik ataatsimik arlallinnilluunniit annertunerusumik apeqquteqarnissamut tunngavissiisinnasunik tassangaannartumik aalajangersimasullu pillugit tamanut soqutiginaateqarsinnaasunik pisoqartillugu akunnerup apeqquteqarfissap sivitsorneqarsinnaanera ataatsimiititaliamit akimmiffissaqartinneqanngitsoq siulittaasoqarfiup assut soqutigalugu paasivaa.

Oqaaseqarnissamut piffissaliussat sivilussusiat amerlanernillu apeqquteqarnissamut periarfissat pillugit uparuaanerit Siulittaasoqarfimmit akuttunngitsumik oqaluuserineqartarput. Taamaattumik ataatsimiititaliap tapersiinnissaa Siulittaasoqarfimmit qilanaarinqarsimavoq. Suliap annertussusiata pisariaqalersippagu suleriaatsimut ilanngussami oqaaseqarnissamut piffissaliussatut aalajangersarneqartut sanioqqunnissaannut isumaliutissiissutikkut periarfissiisoqarpoq, taamaalillunilu oqaaseqarnissamut piffissaliussat apeqqutillu annertussusii pillugit uparuaasarsimanerit ilaat taamatut tusaaniarneqarsimallutik.

Tamatumunnga peqatigitillugu siuliani taaneqartut eqqaassanngikkaanni ataatsimiititaliap inatsisissatut siunnersuummik suliarinninnermini siunnersuut akuerisassanngorlugu inassuteqaatigigaa siulittaasoqarfiup iluarisimaarlugu paasivaa.

Taamaalilluni Siulittaasoqarfiup taamatut oqaaseqareerluni siunnersuutip taamatut isikkoqarluni pingajussaaniigassanngortinneqarnissaa kaammattuutigisinnaavaa.